



Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 63. Quid addedum circa nomen, quod in Baptismo imponitur.

urn:nbn:de:hbz:466:1-42545

Sit tamen alia signa credulitatis accedant, cogi potest sic nominatus ad aliendam suo tempore prolem: quod si aliquis ex justa causa permittat sedici Parentem & pro tali inscribi, per se loquendo, non peccat, sed per accidentem difficulter effugietur omne mendacium. De hoc tamen videri potest Gob in annotatione post num. 163.

Q. 63. Quid addendum circa nomen, quod in Baptismo imponitur. R. seqq.

§. 1. Non est quidem præceptum, est tamen 329. pium monitum Pii V. & Pauli V., ut infantibus non imponantur nomina, nisi Sanctorum; pro quo multas congruentias affert Rayn. in libello de pietate erga particulares Sanctos c. 11.; hinc non peccat, qui imponit nomen hominis etiam non beatificati. Non est tamen facile acquiescendum volenti imponere nomen ethni- cum, quia est quædam offensio Christiani nomini- ni, uti habet Catech. Rom. de Bapt. cap. 14. n. 3. Improbant etiam Vasq. & Quintanadv. no- mina antiqui testamenti, quia videtur demotari sanguis hebreus; sed quoad hæc facienda non est difficultas pro his partibus, in quibus passim usurpantur nomina Adami, Danielis, Jeremie, Tobie, Jacobi, Davidis, Abrahani, &c.

§. 2. Si non possit satè dignosci, an infans sit 330. masculus, an fœmina, & videatur esse periculum mortis, omitti potest nomen, & dici, creatu- ra Dei, ego te baptizo &c. Si autem infans putetur supervicturus, Vivald. & Chapeau. dicunt illi dandum esse nomen viri, quia in dubio præsumitur sexus masculinus, cùm natura semper ad eum utope perfectionem tendat; alii putant dandum esse no- men fœminæ, quia natura deficiens solet harum

plures procreare : Gob. tr. 2. n. 339. melius dicit imponendum viri & fœminæ , sicuti de facto multi viri vocantur , Petrus Maria &c. poterit autem cùm apparuerit , cuius sexus sit, nomen oppositi sexus poterit vel dimitti vel etiam retineri , nam constat in hac nostra Germania etiam masculis in Baptismo dari nomina , v.g. Petrus Maria Joseph.

331. §. 3. Si sexus mutetur , v.g. si quis ex fœmina fiat vir , quod frequenter factum esse testantur Authores apud Gob. n. 338. nomen è fœminio mutandum est in masculinum , vel contrà v.g. vocando pro Petrozilla Petrum , pro Joanne Joannam , ad quam mutationem non requiriatur authoritas Episcopi , uti vult Sotus ; neque Superioris , uti vult Sa , sed fieri potest authoritate privatâ , uti melius docent Abb. Bonac. & alii , cùm nulla de hoc sit lex vel consuetudo rectè tamen notat Gob. n. 340. ad confusionem & errorem vitandum monendos esse patrinos vel Parochum. Addit Dicast. d. 1. n. 154. nomen in Baptismo impositum posse propriâ authoritate mutari , eò quod non videatur ullo jure prohiberi. De cætero , debet ordinariè nomen imponi secundum designationem Parentum , Gob. n. 342.

332. §. 4. Nulla ex nomine capi potest. præsumtio de natura vel vitio alicujus , unde frivolum est dicere , v.g. de aliquo Petro , quod sit calidi capitum ; de aliquo Juda , quod sit furax ; per accidentem enim est sic vocari , nec nomen impositum aliquid confert ad naturam , Gob. n. 343. contra aliquos Juristas.